

Brabant nicht ein geringe Forch eingezagt / weil zu besorgen / daß es darben nicht bleibe / vnd Graff Moritz noch weiter vmb sich greiffen wurde. Derowegen sie auch an den Prinzen von Parma / der vor Neuß lag geschriben / vnd ihn gebetten daß er von dannen abziehen / vnd sie wider fernern einfall beschütze wolte / es were ehrlicher vnd notwendiger ihr eigen Land zu bewahren / dan ein Reichstatt so aufferhalb Niderland gelegen / belegen vñ erobern. Doch diese ohn angesehen / verharrete der von Parma in der Belagerung / gabe gleichwol La Motte / dem Gubernator von Breuelingen befehl / gemeltes Stättlein widerumb zu belagern vnd einzunemē / welcher doch / weil das Stättlein vmbher im Wasser stund nichts hat können aufrichten.

Graff von Leycester zeucht auß Niderland widerumb in Engellandt.

Hingegen wirdt Graff Moritz von Nassaw zum general Gubernator vñ Statthalter der vereinigten Niderlanden gemacht vnd angenommen.

Nach dem Robert Dudley Graff von Leycester zu end des Jahrs 1587. nach Engelland verreiset / inmittelst aber die Land sampt derē Regierung in grosser gefahr / Beschwernissen vnd zwenspalt gelassen / daher auch erfolgt daß Wilhelm Standen den 29. Januarij die Statt Deuenter / vñ Roland